


(ارتقا) نك استانبول و مطبعه ایچون
بر سنه نك آتونه سی ۳۲ غروشدور.

مخانی بالجه ارباب قله آچقدور. هرالی
قلم طوتان یازهبیلیر.

اداره خانه سی باب عالی جاده سنده ۴۰
نومرولی «معلومات» مطبعه سیدر.

JOURNAL ILLUSTRÉ
IRTIKA



ادبیات، فنون عسکریه، بحریه، تاریخ،
تجارت، زراعت، صنایع، معارف، امور
نافعه و! کلنجلی فقراتدن باحث مصور
جریده دور.

هرنوع خصوصیات ایچون غزته نك مدیری
سعادتلو طاهر نك افندی حضرتلرینه مراجعت
اولنور.

BUREAUX:
Imprimerie Tahir Bey
40, rue de la Sublime-Porte,
STAMBOUL

نسخه سی: ۲۰ پارهیهدور

جمعه کونلری نشر اولنور فنی و ادبی مصور عثمانلی غزته سیدر.

نسخه سی: ۲۰ پارهیهدور

بر بوليه كيجه يدي ؛ اوت اما دها پر نور ،
بر بدر محاسن ايله بارلاردی بوزلر ؛
هرشي يته بوليه يدي ؛ فقط واردی اودلبر .
روحم ايندی اشواق دلارا ايله مسرور
ايواه ! فقط شمدي افول ايندی اوجانان
بن بونی بوكوك ، خسته بر اوكسوزكي ناچار
اغلاز طورورم حسرت دلدار ايله هر بار
اولدم بوكجه ايسته اونكچون يته كريان !
محمد ستار



تخميس :

عرض دیدار ایلدکجه ناز ايله اول شیوه کار
اشرح طبع ايله اولمازمییم شهرت شعار
اولسونی قلب سودا پرورم پرتو نثار
نور شوق وصاتی و جهنم دن اولدی اشکار
« بختیارم بن دخی اولدجه جانان بختیار »
لاله وسنبل نرکس وکل یاسمن نیلر کوکل
کورمک ایستری جهانده بشقه برشیلر کوکل
دمبدم ، ساعت بساعت وصلتک پیلر کوکل
مست اولوب لعل فیله چکدی هی هیلر کوکل
« بختیارم بن دخی اولدجه جانان بختیار »
وجه دلدار ی کورن کوزلر کوررمی ماهتاب
مست اولان لعل فیله غیری ایستری شرباب
بوسه چین اشتیاق اولدجه بن شافی جواب
« بختیارم بن دخی اولدجه جانان بختیار »
مست سودایم از انماز غیری دلده اطراد
نشوه سیله یارمک دائم اولماز اعتماد
جان ايله هر سوداسنه ایتدم کولدن استناد
بختیارم بن دخی اولدجه جانان بختیار
شهر امانت جلیله سی حقوق مشاوری
کابی شریف زاده
محمد



بوسه روح

— سومه ، دیدم ؛ ایسترمیسک هجران ؟ ..
دیهرک ایلدک اعراض ؛
بر جرأت سکران ايله بنه
چشمیکده کولن شعر ایسه
مجلوب اوله رق ، ای نکه ناز !
تشبیه شتابان اولو یوردم ...
— سومه ، دیدم ؛ ایسترمیسک هجران ؟ ..
کل مزج ایدیم قلب حزینده کی پنهان
الخان تلامیچی چشمانکه روح ! ...

— سومه ، دیدم ؛ ایسترمیسک هجران ؟ ..
هجران ! نه الیم ای کوزلم آه !
باق کوزلر مه بوسه سودا ايله لرزان !
کل روحی تعلیق ایدیم آه
احفان ضیادارک . جانا !
پر شعر وهوس تره سین اورده ... !
کل قلب حزینده کی ازهار صفایی
تعابق ایدیم چشمکه ای کوزلری مائی ... !
م . عاصم



خیرات مبخله حضرت شهریار اعظمیدن
کاغد خانه صوبنک استانبوله
تاریخ اساله سی

آسمان قلب رقت مأمن شاهانه دن
آفتاب رحم و شفقت بخش ایدر فیض جدید
زیر بال میمنت سازندن ایلر انفلاق
خنده اقبال ايله پیراسته صبح سعید
سایه شاهانه ده هرکس فرخ رشاد کام
شوق وشادی رایگان ، آلام و محنت باید
بختیارز ، بختیار جمله اولمقدیز
درلو الطافی ايله بزکامیاب و مستفید
روح جسم مملکت آثار الطافک ايله
روح شادی بوله ده سایه کده ای شاه فرید
عمریکی ، اقبالکی ، اجلال عال العالی
تادم محشر ایده اه افزون و مزید
دولتکله ، شوکتکله پادشاهم جوق یشا
هر دهندن بودغای نشر ایدر صوت مدید
پادشاهم لطفکک تاریخ نامن یازمغه
خامه اعجازی تشویق ایلدی رب مجید
سندکاک عطشی تسکینه همت ایلدی
« مای شیرین مصفی رنگ ايله
محمد الحمیدک
۱۳۱۸



— مشترک برغزل —

نیچین محبت دلدار فیض جان اولیور
مدار وسعت افکار شاعران اولیور
نیچین ؛ اوصاحبه حسن و آه وجد ام
تمایلات ايله هپ جلوه کاه عشق اولیور
خیال یوکسه لیر اوج صفای مسعده
اودم که حب فراوان دلبران اولیور
محبت اشته ویرر بر صفای روحانی
کوکل محبت ايله صانکه کامران اولیور
بوانجذاب محبت نه در ؛ نه قوتدر ؛
بیانمیور بشریتده بونهان اولیور
قونیله ؛ س . آصف لیسویکلی : نوری



احمد نریا بکه
حق بیج بکک مقدمات نشر ایدیان
منشور شعرلرینه داتر « ارتقا » نك ۱۶۸
نومرولی نسخه سینه بعض مطالعاتی حاوی
یازدیغ مصاحبه ده کی « حق بیج بک افندی
بوتون یازدقلرینه الفاظ ايله برابر معانی
و تصویر حسیات جهنلرینه دخی لایق اولد .
ینی مرتبه اهمیت ویردک سوه سوه اوقو .
دیغمز اثرلرینی زواند الفاظ و فکر سزلک
شائبه لرندن قورتارمشدر « فقره سنی و میر
موسی الیهک » نشیده لر » عنوانلی منشور
شعرلرینی اله آله رق برطاقم بی لزوم
مطالعانده بولنیورسکز . مطالعه کز موافق
نفس الامر اولسه یدی بالطبع نشر ایدردک .
حق بیج بکک اثرلرینی تنقید ايله اشتغال
ایده چککزه حق بیج بکک اثرلری کی
کوزل اثرلر وجوده کتیرسه کز دهامناسب
اولور ظننده ایم ، چونکه قارئلر ؛ عالم ادب
وعرفانه هنوز قدمهاده اولان مبتدیلر مزدن
مقالات تنقیده یه دکل کوزل دوشولمش ،
کوزل یازلمش اثرلره انتظار ایدرلر .
محمد آصف

دلارا

محرری : محمد آصف

موقع انتشاره وضع ایدلمشدر .

بیاده یه ، سواری یه و طوبخی یه قارش

پیاکی اشکبار نیلر ایلر ایلر

آلانجه دن

[۱۸۰۰ نومرولی نسخه مزدن مابعد]

۴۳ . هجوم اجراسنه تعیین اولونان
بلوکک قسم متباقیمی ایلک آتشلرینی مؤثر
آتش موقعندن اجرا ایتدیلر . حالوکه تعلیمنامه ،
بوندر اصلاحات ایتیموب یالکر بوکا داتر بعض
افکاری جامعدر . مؤثر آتش موضعی اویله
بر موضعدرکه ، بوراده دشمنی مغلوب ایتک
ایچون قوت و مافعک کافه سی جمع ایدیلیر .
بومقسدک اجرایی ایچونده مثلا ۶۰۰
متره دن آشانی مسافه لر کی وسطی مسافه لر
تعیین ایدلمش و تعلیمنامه نك نشرندن ضوکره
محاربه نقطه نظرندن یاپیلان قطعه آتشلرینه
بر چوق قطعه لر طرفندن اجرا ایدیان تجربه لر
ایسه ، لایقيله اداره ایدیان بر مدافعنه ک
نتیجه قطعه محاربه سنی دها وسطی مسافه لرده
قازانه غنمه قناعت تامه حاصل ایتدیرمشدر .
۴۴ . مدافعه ده بولونان بلوکلر مهاجمینه
قارش آتشی ایرکندن آچامش اولسه لر دی ،
سریع و کمال امنیتله انداخت ایدن تفشکلرندن ،
ابی بر میدان انداختدن ، بارونک دومانسز ،

مسافاتک معین و اوکلرنده کورونن هدفلرک
نیوک اولسندن متحصل منافعندن هیچ بر
استنادده ایتیموش اولورلر دی . بناء علیه
بلوکلرک بعضیسی دها ۱۲۰۰ متره مسافه دن
دشمنک یوروش قوللرینه آتش ایدرک
بونلری صف حربیه کیمکه ویاخود تتر
ایده جیک بر زمین عارضه سی آرامغه مجبور
ایتدکلری کی بعضیسی ده دشمن بلوکلرلرینی
۱۱۰۰ متره دن صف حربیه کیمکه و اوچی
خطی یایمغه مجبور ایتدیلر ؛ متباقیمی ده ایلک
آتشی دشمن اوچیلرینه تقریباً ۱۰۰۰
متره دن اجرا ایلکه باشلادیلر . بنابرین ،
مهاجمینک کج یایمق تصورنده بولوندی
ایلک آتش ایچون توقی ، مهاجمینه ایرکندن
یادیرمغه هر طرفدن غیرت ایدلمشدر .

۴۵ . تعرض ایدن دشمن سواریسنه
قارش نه قدر بر مسافه دن مقابله ایدیه چکنه
دائره مختلف فکرلر درمیان ایدلیدی .

بعض بلوکلر دشمنک تصویری اکلاشدینی
دقیقه دن اعتباراً کده اکثریا ۸۰۰ : ۹۰۰
متره مسافه ده واقع اولیوردی — درحال

اوزرینه آتش ایتدیلر ، بعض بلوکلرده
دشمن سواریمی ثابت نشانکاه مسافه سینه
کنجه یه قدر سلاح طاوران وضعیتده بکلدیلر ؛

بر قسمی ده ممکن اولدینی قدر آتسه تقریباً
۴۰۰ : ۵۰۰ متره دن باشلادیلر . بونک
اوزرینه مفتش ملاحظات آتیه ده بولوندی :

وسطی مسافه لرده آتش ایتک دائماً نشانکاهه
نشان نقطه سنک تبدیله لزوم کوسترر . ثابت
نشانکاهه بکلرین بلوکلر هر نه قدر درت نعل ايله
هجوم ایدن سواری قطعه سینه قارش یه ک نیوک و معناً

یک مؤثر بر سکون و انضباط ابراز ایللمشدر
ایسه ده بناء علیه شوراسنی تحظر ایتدیلرکه ،
کریدن کلن سواری قدمه یی اوکده تلف

اولان سواریلرک و اوستندن ویاخود اطر فندن
طولاشه رق بلوکه آتسه دوچار اولادن قولایجه
تقرب ایده بیله چکلری کی ، بالادده بیان

ایدلیدی و جه ايله ، اولوم درجه سنده یاره لانان
باکیرلرده دوشمزدن اول ۲۰۰ : ۳۰۰ متره
قدر هجومه دوام ایده بیلیرلر . ایشه بو

صوک ایکی محذوری بر طرف ایتک و بر دفعه
آلان نشانکاهی ده دائماً محافظه ایده بیلیمک
ایچون آتسه ۴۰۰ : ۵۰۰ متره دن باشلامق

توصیه اولنور . مع مافیه بو خصوصه دائرینه قطعی
برقاعده بیان ایدیلر من : فقط سوارینک یقین
مسافه لرده باصقین صورتیه زدنلشی ، سواری

ایله مهاجم پیاده بیننده کی ارتباطک کسری
وسائره کی خصوصانده ده آتسه باشقه درلو
باشلامق لازمکلیر . کذا طوغریدن طوغری یه

هجوم ایتیمین بر سواری یه قارش ده باشقه باشقه
نقطه نظرندن حرکت ایدیلیر : نه کیم اوچی
خطنک ۲۰۰ متره یانی کریسنده بولونان استناد ،

اوجی خطه قارشى اجرايدىلن سوارى هجومه
اولا ۶۰۰ مترلك نشانگاهله آتش ايتدى .
ديكر بر بلوكده غير مستور طوران دشمن
سوارى بلوكنه قارشى ۷۵۰ مترلك نشانگاهله
آتش باشلايه رقى بلوكى رى دكشدير مكه
مجبور ايدلى .

۴۶ . اوزرينه آتش ايديله جك هدفك
طوغرى اوله رقى ارايهيله تقسيمى خصو -
صنده ده اكثريا آتشك اداره سنده تعيه جه
برحكم وقرار ويره ييلمك خصوصه لزوم
حسن ايدلى .

مختلف هدفلردن برى انتخاب ايتكدها
موضوع بحث اولمازدن اول يالكر دشمن
طوبخيسنه آتش ايتك آرزو ايدلىكى زمان ،
تكميل بطريه يى بر دى يوقسه بطريه نك معين
بر قسمى مى آتش آلتنه آلق لازمكه جكي
سؤالى وارد خاطر اولدى . تعليمنامه نك بو
خصوصه دى مطالعاتى آتشى اك اول كند .

يلرى كوسترن قوشوم بار كيرلر نه ، بعد
نومر نقراتنه توجيه ايتمكدن عياردر
(تعليمنامه ، ۳ ، ۴۹) . حالبوكه بوكون
قوشوم بار كيرلرى انحق مستثنا حالاتده
كوروله بيلير : - طوبولارلاقلر ، آتش باشلاز
باشلاماز ستره كريسته كيدرلر . بونلك بريته
طوبولرك كريسته جبخانه صندقارى ويا
جبخانه آرابه لرى طورركه ، بونلر نه درلو
بر قضايه اوغرامش اولسهر بيله ينه بطريه
حر كمتدن ويا محاربه اجرا سندن ساقط قالماز .
بناء عليه پياده ضابطانى ، كرك آلد ايدىلن
مؤقتدن هيج شه لرى اولماق وكر ك آتشى
اك اول نومر نقراتنه توجيه ايتك ايجون
بوراسنى لايقيه بيلميدرلر . اكر منفرد
طوبولر آتش ايديله جك اولورسه ، -
وسطى مسافله ر مستثنا اولدينى حالده - نومرو
افرا ديه كمال امنيتله اصابت ايتدرمك هر
حالده قابلدور . فقط بز شوراسنى بيلورركه ،
اصابت احتمالى آلد ايدىلنك آرزو اولوندينى
تقديرده هر طوبه قارشى ده تقریباً ۱۸ ديزنك
آتشى ايتمى اقتضا ايدر (ماده ۹) . بناء عليه
محاربه يه بر ويا ايكي بلوك ويا خود حضرى
ويا سفرى موجودنده بر بلوك كيرديكنه
نظراً طاقلرك ويا نصف طاقلرك آتشلر يى
منفرد طوبولر معين بر صورتده تقسيم ايتلرى
لازمكلىر .

۴۷ . مسئله مزده بطريه نك آتش آلتنه
آلتسه حضرى موجودنده بر بلوك مامور
ايدلىكى جهته (ماده ۱۱ ه مراجعت)
طاقلرك اوجى ده اولانتيجه قطعيه يى آلد
ايتك مقصديله هپ بر طوبه آتش ايدوب
بعد مفتش مطلوب اولان تاثيرى مشاهده
ايتكدن صوكره بطريه نك قسم متباقيسى

اوزرينه آتش ايتدلىر . فقط بلوك برى
اولا تفكرك ككافه سنى ده بر طوبه توجيه ايدىلر
بعد بطريه بويجه آتشى طوب طوب اجرا
ايدلى . هر نه قدر صرف انداخت نظرياتي
نقطه نظرلردن بوياده آلد ايديله جك نتيجه
هر حالده قطعى ايديسه ده ، آتش آلتنه
آلتيمان طوبلر ، آتشلر يى بلا مانع بلوكه
توجيه ايدىلر بلوكك تاثير انداختنى رخنه دار
ايتدلىر .

كذا قطعى صورتده آتش آلتنه آلتيمان
طوبلرك اشغال ايدلىسى خصوصنده اوتده
بريد اجرا ايدىلن طرز حر كمتدن مهم
بر نتيجه آلد ايدىلر بلوك ايديله ميه جكي مسئله سى ده
احوال ايجاب اتندن اوله رى لايقيه قرارلاشد
بريه ملى . مع مافيه ، مثلاً بر طاقله عين
زمانده درت طوب اشغال ايديله رى بلوكك
قسم متباقيسى ده ايكي طوب محاربه دن خارج
براقق خصوصلر يىك شايان اهميت بر نتيجه
اصابت آلد ايدلىسه مساعد اولدينى اولجه
(ماده ۱۱) ده بيان ايدلىدر .

۴۸ . بطريه يى تماميله مغلوب ايتردن
اول دشمن پياده سى منفرد بلوكه محاربه يه
طوشدينى زمانده عين ملاحظات درميان
ايدلى . بوخصوصه ده هدفلرك ايكسنى ده مى
يوقسه يالكر برى مى آتش طوتمق سؤالى
ازاد ايدلى . پياده ايله برابر طوبجى يى ده
عين زمانده بر تاثير قطعى حصوله كتيتمك
فكريله آتش طوتمق ، منفرد بلوكه
نسبتاً موجود اوله بيله جك جزئى بر تاثير
آتشدن طولايى نتيجه سز برايشدى ، -
هدفلرك برى قطعى اوله رقى آتش آلتنه
آلوب ديكر يى اشغال ايتك ايسه ، انحق
محاربه دن خارج قلماش اولان ايكي
طوبك ياننده بز طاقم پياده - ويا بونك
عكسى - ظهور ايتدىكى تقديرده بر نتيجه
حصولنى تأمين ايدلى ؛ چونكه طوبك
ايكسنى ده لايقى وجه ايله زده لى نتيجه قدر
پياده طاقنه قارشى دائماً مساوى بر آتشله
مقابله ايديله بيلدى . حالات سائرده ايسه
قوتك آز بولونمى سندن طولايى اشغالدن مطلوب
اولان مقصد غير قابل وصول اولديسه بيله
ينه مشكوك قانديغندن بوكى حالده آتش
دائماً ايكي هدفدن يالكر بريته توجيه ايدلى .
هدفلردن برينك انتخاب ايدلىسى ايجونده
هدفلرك اوئاده كى اهميت تعيويه سى نظر دفته
آلتدى . (تعليمنامه ، ۲ ، ۳۳) . دشمن
پياده بلوكى اوزر مزه مؤثر و نتيجه لى بر آتش
اجرا ايدر ايتز بوبلوك اساساً بطريه دن ده
زياده براهميقى حائر اوله جغندن اوئاده پياده
بزم ايجون تعيه جه غايت مهم و غايت مهلك
بر هدف تاقى ايدلى ؛ بناء عليه يالكر آتش آلتنه

آلتقه ده قالمى بوب مطلوب اولان نتيجه نقطه
نظرلردن ساده لك اوزرينه آتش ايدلى .
۴۹ . دشمن پياده سى هجوم ايدن بلوكلر ،
دشمن آوجيلرندن باشقه هيج بر قطعه يى هدف
اتخاذ ايدميدىلر . حتى آتشك تقسيمى
كيفيتى ده ، آوجيلرك طوندقلىرى
جهه نك طولى دشمن آوجيلر يىك جناحقى
تجاوز ايتدىكى ويا تقريباً آلتلر كمتدن قيصة
دوشديكى زمان اجرا ايدلى . اساساً هر نفرد
كندى قارشيسنه دوشن دشمنى هدف اتخاذ
ايدمى جكنى و محاربه نقطه نظرلردن اجرا
ايدىلن قطعه آتشلر نه ظهوره كلىدىكى كى
هدفك اك زياده اوزر سىنه آتش ايتمى جكي
اوكره دلىشدى . آتش خطلرى دشمنككى
قدر اوزون اوليان بلوكارده ده باقه درلو
حر كت ايدلى . چونكه جهه لرى بيشنده كى
فرق نه قدر بيوك اولورسه دشمن جهه نك
عين زمانده كاملاً آتش طوتمسى ايجونده
مرمىلر اوقدر طاغنىق و بناء عليه اوقدر آز
مؤثر اولور . بونك ايجون ، جهه طوللر يىك
كرك بيوك آره اقلرله و كرك خطده چوق
تفك بولوندرمقه مساويلاشدىرلىسى توصيه
اولونور .

۵۰ . مفتش بوملاحظات ائناسنده دوز
و آچيق اراضى اوزرنده صجرامه لرله ايلرى
حر كت ايتمكدن ده بحث ايدمى : بره ياتش
اولدينى حالده طوران قسمك آتشيله حايه
اولونق خصوصى انحق ايلرى يه صجران
قسم بوقسمك كريسته بولوندينى ، آتش
تكميل دشمن خطى اوزرينه اجرا ايديله رى
مركزى بر صورتده اجراى تاثير ايتدىكى
وهر درلو محاذيريله برابر متاد ياده نشانگاه
تبديل ايدلىدىكى تقديرده اجرا اولنه بيلير .
بوخصوص نظر دفته آلتيرسه تكميل اوجى
خطك عين زمانده صجرامه رقى حر كت
ايتمى ترجيح اولونميدىر (تعليمنامه ، ۲ ،
۳۹ و ۴۰) ديدى .

۵۱ . مدافعه ده بولونان بلوكارده ، ايلك
اول مهاجمينك دها هنوز ايجلماش اولان
قوللرى هدف اتخاذ ايدلى (ماده ۴۴ ه
مراجعت) . دشمن آوجيلرى ايلرى يه
طوغرى يورومكه باشلاز باشلاماز بلوكلرك
قسم اعظمى آتشلر يى بونلر اوزرينه توجيه
ايدوب جزئى بر قسمى ده آوجيلر ايلك آتش
ايجون طور و نتيجه قدر استاده آتش ايتمكه
يشتدلىر ؛ بلوكك ده برى عين زمانده ايكسنى بردن
آتش ايتدى . مفتش بو اوج درلو آتشى بلا
تردد ردايدىلر دشمن آوجيلرى آتشمز دها
مقابله يه باشلامدن اول بزم ايجون تعيه جه
مهم وشايان اهميت اك برنجى هدف دشمن
آوجيلرى اولدينى (تعليمنامه ، ۲ ، ۳۳)

بيان ايتدى . مع مافيه يناشيق نظامده كى
قطعه لر ايدىلن آتشده آز بر جبخانه ايله
بيوك بر نتيجه حصوله كلىدى ، كذا اوئاده
ظهوره كنن تلفات ، تقويه قطعانك موجود
اولماسى حسييله كريدن اجرا ايدىلن هجومى
توقيف و ايلرى طوغرى حر كت ايدن
آوجيلرى ده طور مغه ويا يره يا نغه مجبور ايتدى .
حالبوكه هدفلرك ايكسنى ده بردن آتش ايتك
ايجون مدافعينك غايت قوتلى بولونمى اقتضا ايدر
بناءً عليه فشنكه تفك فضله بولوندينى
تقديرده ، دشمنك يناشيق نظامده كى قطعه لر يه
آتش ايتمكه تعين اولونان افرادك آوجيلرله
برلكده بوقطعه لر آتش ايتلرى اقتضا ايدر .
بوصورتله حر كت ايدليرسه ، دشمنك هنوز
محاربه يه كيرمه مش اولان كرده كى قدمه سى
هجومه باشلايدى ويا هجوم ايتدىكى ائشاده كندى
آوجيلر يه توجيه ايدىلن حزمه مى داخنة
كندىلكندن كيرمش اولور .

۵۲ . دشمنك صجرامه لرله ايلرى حر كتى
ائناسنده اوجى خطمرك صجران قطعات
قارشيسنده بولونمى قسمنندن ده : « صاغه
(صوله) اكر يده صجرامه رقى ايلر يه ين
آوجيلر ! » قوماند سى و رلىدىكى ايشيدلى .
هر نه قدر تكميل بويلر يله كورونه رىك تكرار
هيج آتش ايتن خصمه قارشى آتشك تاثيرى
شايان اهميت اوله جنى دركار ايسه ده ؛ مفتش
بوياده ده ملاحظات آتیه ده بولونه رقى : انحق
بر دقيقه قدر كورون يكي هدفره آتش
ايتمكه باشلامق چوق بر زمانه متوقف اولدينى كى
اوئانه قدر آتش آلتنه آتش بولونان آوجيلرك ده
باصقين تاثيرى حائر بر صجرامه ايله ايلرى
حر كت اجرا ايديله جكلرى بيان ايتدى .

۵۳ . تعرضى محاربه ده نتيجه قطعيه نك
احضارى ايجون هدفى ارايه ايتك يعنى
آتشى نتيجه قطعيه موضعى اوزرينه طوبلامق
خصوصى ده اك زياده نظر دفته آلتدى .
بناءً عليه بلوكك اقسام صغيره سى طرفدن
دائماً جهه دن يعنى مدافعه خطنه موازى اولمق
اوزر ده تقسيم ايدىلن قوتله هجوم اجرا ايدلى .

۵۴ . ايشته بوئانه قدر دائماً هپ بر
هدف طوتوله رقى لك اوزرينه آتش ايتك
قاعده اتخاذ ايدلى . فقط سوارى هجومنده
ايش بىستون باشقه بر طرز كسب ايتدى .
دشمن سوارى بلوكى ، پياده محاربه سىنه
كيريشمش بولونان بلوكلرك كافه سنك ده تفككى
كندى اوزرينه جلب ايتمكه هيج بروقت موفق
اوله ميوب سوارى يه قارشى دائماً استاد ويا خود
اوجى خطك طوغرىدن طوغرى يه هجوم
ايدىلن جناخنده كى طاقم طرفدن آتشله مقابله
ايدلى ؛ بلوكك قسم متباقيسى ايسه اوئانه قدر
هانكى هدفه آتش ايدىلور ايديسه ده ينه

او هدفه آتش اتمکه دوام ایندی . بعض قوماندانلر بویه بستیون بوشنه کچن زماندن تعیه جه بر استفاده اتمکی ، مثلاً آتش معروض اولادن ایلری به طوغری بر صجرامه حرکتی اجرا و یا خود نتیجه قطعی به احضا ایدرهک تسریع ایلیمکی دوشوندیلر . فقط مفتش ، موضوع بحث اولان تعلیملرده بویه بر نتیجه استخراجی ایچون هیچ بر سبب موجود اولدیغی و بناء علیه بر سواری هجومنک اهمیت تعیویه سنک ینه علی حاله قالمش اولدیغی بیان ایندی . مع مافیه قوتلر جه اولان نسبت غایت ای کوزه دلشدی : بردشمن سواری بلوکنه قارشى بر پیاده طاقی فضلا دکلسده ینه مطلق کفایت ایدیوردی .

۵۵ . اکثریتله استعمال اولونان : « صاعدن کن دشمن سواریسی ! نشانکه ... » قومانده سی ده علی العموم استعمال ایدلمدی . چونکه قاعده صف حرب نظامنده هجوم ایدن بر سواری بلوکنک جهیه سی ، ۳۵ : ۴۰ تفکی حاوی اولان بر پیاده طاقی جهیه سنندن ده اوزوندی . بناء علیه طاقم تکمیل دشمن خطی بردر آتش آلتنه آله میوردی . بونکله برابر کنش پیاده و طوبجی هدفینه قارشى یاسیلدیغی کی سواری بلوکنک بر جناحندن باشلایه برق یاواش یاواش اوبر جناحه قدر آتش آلتنه آتش اولسه ایدی ینه خطا ایدلمش اولوردی . چونکه سواری بوررکن حذا و برابرلکی دائماً مرکدن آلیر ؛ بناء علیه سواری بلوکنک متبادی بر صورتده ارتباطی محافظه اتمی ، متبادی بر صورتده انداخت ایدله جک مر میلرله رخنه دار اید . یله جک اولورسه ، اوزمان سوارینک هجومنه موفق اولسی ایچون فوق العاده لزومی اولان ارتباط کلیاً زائل اولور .

۵۶ . مع مافیه شوماده ده بیان ایدیلن قواعد و تجارب ، هر درلو احواله قابل تطبیق اولق اوزرده تاقی ایدله میلدی . چونکه بو خصوصده اک زیاده مهم اولان ماده هدفی اهمیت عظیمه تعیویه سننه نظراً انتخابدن عبارت اولوب آتشک اجرایی ایچون ایکنجی درجه ده براهیتی جائزدر . هدفک اهمیت تعیوسی ایسه دائماً مبتدل اولدیغی جهته اهمیت مذکورده نک مقصد محاربه به ، دشمنک تدابیرینه و اراضینک حاله نظراً هر زمان اداره آتش سایه سنده طوغری بر صورتده قرارلاشدیرلمی اقتضا ایدر .

۴ . آتشک نوعی .

۵۷ . مانورده بلوکلرک همان اکثریا نصفی بطریقه یایلم آتش ایندی ، دشمن پیاده سنکک یناشیق نظامده کی قطعه لرینه هر طرفدن یایلم آتش ایدلدی ، فائق قوتلرده

سواری ینی یایلم آتشله بوسکورتدلر . صف حرب نظامنده طوران ربلوکه یایلم آتش ایچون قومانده ویرمهک ، حتی ساکن بر هواده بیله ، اکثریا نفس نفس کلش بر یوز باشینک سسی پک زور یتیشیر . ذاتاً تعلیمنامه ده طاقم حقدده : « انشای محاربه ده طوب و تفنک کورولتیلری سبیلله یایلم آتش ایچون ویریه جک قوماندی یناشیق نظامده بولونان طاقه بیله ایشتدرمک کوچ اولوب طاغنیق نظامده بو حالده بر قاندها آرتیزق » (تعلیمنامه ، ۱ ، ۱۵۱) طرزنده اداره کلام ایلیمکده در . حتی قومانده غایت آجیق و منتظم بیله ویرلمش اولسه ینه یایلم آتشده نتیجه صابت غایت آذر ؛ چونکه یناشیق نظامده هر نفر ، نشان وضعیتی آلوب نشان آله جتی زمان یاننده و کرسنده بولونان نفر دن طولانی غایت راحتسر اولور ؛ بوندن ده صبر قظر - اکثریا طاغنیق نظامده ده اولدیغی اوزره - « آوجی آنجی اصابت ایتدیره جکنه قانع اولدیغی زمان آتش ایدر ! » دیه اوته دنیری رعایت ایدیلن قاعده اساسیه ده رعایت ایدله مش اولور . چونکه نفر یناشیق نظامده ، اصابت ایتدیره جکنه قانع اولدیغی زمان آتش ایتوب هدفک برنده طور و طور مدیغی بیلمسی غیر محتمل اولان بر کیمسه طرفندن کنده نه امر ایدلیکی زمان تنک چکوب آتش ایدر . هله قوماندانک ویردیکی قومانده ایشیدیلوبده افراددن برینک قوماندن اول آتش اتمسی اوزرینه تکمیل افراد برندن آتش ایدر لرنه ، اوزمان تاثیر ده زیاده تنافص ایدر . بر چوق تجربه دیده سواری قوماندانلرینک فکر نجه ، بار کیر یایلم آتشدن زیاده آوجی آتشندن اورکیور . بوندن باشقه ، بونکون دو مانسر بارونک مستعمل اولسی حسیلله یایلم آتشک ، قطعانک اوکندن دومانک چکلمسی کی فوایدی ده هیچ براهیتی حائر اوله ماز . حتی یایلم آتشک قطعه کی قوماندانک آلی آلتنده بولوندرمی کی حائر اولدیغی ناقابل انکار منافع بیله ماعدی وار



عثمانیلرک اوروپاده طرز تاسی

یاخود

فتح جلیل قسطنطنیه

محرری : مکتب حریه شاهانه محاربات مشهوره عثمانیه و طوبجیق و بالیستیق و فن اسلحه خفیه درسلی معلمی عموم طوبجی واستحکام قومیسونی اعضاسندن وارکان حریه میرلورلرندن احمد مختار پاشا - محل طبعی : باب عالی جاده سنده طاهر بک مطبعه سی - یومی : معلومات غرنه سنه تفرقه ایدلدکن مکره کتاب صورتده دخی طبع ایدلشدی - تاریخ طبعی ۱۳۱۸ آغستوس - فیاتی ۲۰ غروش .

صاحب اثر (عرض حقیقت وارک مأخذ نری) سرلوحه لی مدخل کتایده شو وجهله بیان افکار ایده یورلر :

[امت نجییه اسلامیه و عثمانیه به جناب اللهک بر عطیه مخصوصه سبحانیه سی اولان پادشاهان آل عثمان حضرت انک بیوک کلکاری ، نقدر عالی خصال جیه و بر کزیده به مالک اولدقلرینی کوسترمک و شوصورتله انلرک نجل نجیبی اولان اب مشفق عثمانی ولی نعمت بینتمز ولی نعمت عالیان السلطان ابن السلطان السلطان اغازی بیوک (عبدالحمید) خان افندمن حضرتلرینک احای دولت و اعلا شان سلطنت و خلافت ایچون کیجه کوندوزراحت و حضور ها یونلرینی فدا ایلله ملک موروثلرینی جدا ایدرهک پادشاهان آل عثمان حضرت اقامنده نصل بر موقع انجال و انفراد احرار بیورمش بولندقلرینی ازان و اثبات ایلیمک مقصد صداقتکارانه سی ایلله من غیر حد کشیده سلک تحریر ایلیمش بولندیم شو اثرناچیز : اک مشهور مورخ و محرر لر مندن قرق متجاوز ذواتک متن کتایده صره سی کلد کجه اسماری درج و تحریر اولنان - آثار مهمه سنه و بولردن بشقه استانبولک عثمانیلر طرفندن محاصره سنده حاضر اولان و یا اودورده کلن یزانس و غرب مورخن قدیمه سنندن اونی متجاوز مورخک روجه و لایتنجه یازلمش اولان آثار مهمه قدیمه سیله سائر روم و یونان و غرنک مورخن و محرریندن اواکی یوز مورخ و محرر شیرک - ینه متن کتایده صره سی کلد کجه اسماری درج اولنان - آثار و مؤلفات مختلفه سنه مراجعتله تحریر اولمش و مع هذا کرک استانبولک قدیم سورلری و کرک آلآن موجود و یا خرابلری باقی قالان آثار قدیمه مهمه سی حقدده اورالر بالذات عزیمت ایدرک اجر ایتدیکم تدقیقات و تحریات عمیق و والده اتمکه ساعی اولدیغ بعض رسملر و تواریخ و اوراقدن مستحصل معلومات وسیعه سایه سنده نقایصدن آزاده اولسی امکان دائره سنده تأمین ایدلشدی .

اثر معروض ابو کاغده اوزرینه مکمل طبع ایدلمش بیوک قطعه ده ۳۱۹ صحیفه متنی و ابروجه الواح اوزرنده و ابو کاغده اوزرینه و بعضی رنکلی اوله برق بر صورت نقیسه ده طبع اولمش ۳۳ قطعه رسم و پلانی حاوی اولوب شمعی به دکن مملکت مزده طبع و تمثیل اولان اثار عسکریه و ادبیه نک مندرجات و صورت طبع و تمثیل جهتله برنجیلاری صره سنده اولدیغی کی استانبول فتحه دائر کرک بزده و کرک اوروپاده هنوز بویولده بر اثر مکمل نشر ایدلماشدر .

قلیشه لری صورت مخصوصه ده اوروپاده یایدیرلمش اولان رسملرک مودللری آتی به صره سیله درج ایدلشدی :

حصرت فاتحک سزای ها بونده کی اصلندن استنساخ اولمش اولان تصویر ها یونلری - روم ایلی حصارینک رسملری - فتح قسطنطنیه ایچون اردوی هایون ارکانک عقدا یتدکری مجلس حرب - سلطان احمد میدانی [هیودورم] - یدی قله شاتونسک رسملری - یدی قله قیوسی ، بلغراد قیوسی ، سیلوری قیوسی ، طوبقوسی ایلله جوارلرندکی سورلرک آبرو آبرو رسملری - مورخ قدیم « بوئون دلووت » طرفندن ترسم ایدلمش اولان ایکی قطعه اسکي استانبول مع پلانی [تشریحات] - ایوم پارس کتبخانه قرالینده محفوظ اسکي بر استانبول پلانی - قیصر وقتنده [قرون وسطاده] استانبولک احوالی و تقسیمات داخلیه سنی و حوالیسی کوسترن

و بیوک آنسیقلوبه دیدن آتش اولان بر استانبول خریطه سی - یزانس امپراطورلرینک صندالی حکومتی - اعزّه خرسنیه دن اولان بیوک قسطنطنیه نک رسمی - ایاصوفیه نک بانیسی « ژوستیننه ن » ک آتی هیکللی - دور فتحده قیافت عسکریه عثمانیه - صوک استانبول محاصره سنک پلانی - حضرت فاتحک اوج بیوک طوبندن ایوم لوندره موزه سنده بولنان برینک رسمی - محاربه بحریه ده حضرت فاتحک ذکره آت سورمی - قره دن سفن عثمانیه نک قراقلرله چکلمسی - بیرام پاشا سورلری - (هجوم جیهه سی و کدیک محارری] - صوک دفعه اجرا اولنان هجوم عمومینک رسم مناظریسی - صوک امپراطورک رسمی - ایاصوفیه معبدی - اسکي سرای ایلله تکفور سرائینک رسملری - قره جامی - فتحه جامی - حضرت فاتحک بعض مدالیه لر اوزرنده کی رسملری - بعد الفتح تأسیس اولنان داود پاشا اردو کاهی اثر مذکور درت بابیه منقسمدر .

[برنجی باب] : قبل المحاصره وقوعه کلن احوالی و بالخاصه بوغاز کسن حصارینک [روم ایلی حصارینک] صورت انشاسنی و بعض معلومات مهمه کی ناقل و مشتملدر .

[ایکنجی باب] : استانبولک قیصرلر وقتنده کی احوال قدیمه طوغرافیه سنندن باحث اولوب شمعی به قدر کرک مملکت مزده و کرک اوروپاده باصیلان هیچ بر اثرده احوال مذکورده بو درجه لرده تصریح و تشریح ایدلماشدر .

[اوجنجی باب] : استانبولک احوال قدیمه تاریخیه سی حقدده معلومات و تفصیلاتی مشتملدر .

[دردنجی باب] : عثمانلی اردوسنک ادرنه دن استانبول اوزرینه حرکت و اردوی هایونک پیشگاه قلعه ده نه صورته لرلشوب نظام حرب آله یغه ، طرفینک تجهیزات و ترتیبات عسکریه و حریه لرینه و اسلحه و قوتلرینه و قوای معنویه لرینه ، محاصره محاربه سنک صور اجرا یتیه سنه ، شمعی به دکن احوالی هیچ بر اثرده ابو جه تصریح اولنایان روم آتشک ترکیباته ، محاصره محاربه سنک صور اجرا یتیه سنه ، وقوعه کلن مختلف هجوملره ، و محاربه بحریه به ، عثمانلی دوغسانک قره دن قاسم پاشا قوینه ایتدیراسنه شدیداً دوام ایدن صوک محارباته ، هجوم عمومی حاضر لقرینه وانک اجراسنه ، عساکر عثمانیه نک شهره دخولیه بعد الفتح و وقوعه کلن احوال مختلفه به دائر تواریخ عثمانیه و اجنبیه نک اعطالیتدکری معلوماتک اک اساسلورلله بویولده کی تلخیصاتی جامع و بوباده بر طاقم معلومات و مطالعاتی شاملدر نهایت کتایده مثلاً کورانی انشاسیله عربی العاره فتحنامه نک بر صورتی مندرج اولدیغی کی یوم عید فتح جلیل قسطنطنیه به متعلق ایکی مهم مقاله واردر .

اثر مذکور ولی نعمت بینتمز پادشاهمز افندمن حضرت تریله دولت معظمه عثمانیه لرینه فرط صداقت و محبتک بر مثال مجسمه میدر .

تاریخچه افغانستان

افغانستانک موقع جغرافیسی ، اک مهم کیدلری ، قبائل مختلفه سی ، بلاد مشهوره سی حقدده تفصیلات لازمه آتی آرزوسنده بولنانله مطبعه منظر طرفندن طبع و نشر ایدلمش اولان (تاریخچه افغانستان) یوصیه ایدرز . بواثر مرحوم امیر افغان عبدالرحمن خانک رسملری ایلله بعض مهم کیدلرک و شهرلرک تصاویری محتویدر . فیاتی ۶۰ پاره در .

مدیر مسئول محمد طاهر : ممدوح